

## **Pravilnik o izmjenama i dopunama Pravilnika o CMS-u (Službeni glasnik BiH br. 40/17) - Bosanski jezik**

Izvor: VSTV Help portal

(Službeni glasnik Bosne i Hercegovine br. 40/17)

Na osnovu člana 17. tačka 24. Zakona o Visokom sudskom i tužilačkom vijeću Bosne i Hercegovine ("Službeni glasnik BiH", br. 25/04, 93/05, 48/07, 15/08), Visoko sudsko i tužilačko vijeće, na sjednici održanoj 10.5.2017. godine, donosi

### **PRAVILNIK O IZMJENAMA I DOPUNAMA PRAVILNIKA O SISTEMU ZA AUTOMATSKO UPRAVLJANJE PREDMETIMA U SUDOVIMA (CMS)**

#### **Član 1.**

U Pravilniku o Sistemu za automatsko upravljanje predmetima u sudovima ("Službeni glasnik BiH", br. 04/16, 37/16 i 84/16), u članu 75. (Sudski identifikatori [SI]), u tabeli "Identifikatori općinskih/osnovnih sudova", dodaju se nove oznake:

Općinski sud u Čitluku	55
Osnovni sud u Kozarskoj Dubici	79

U tabeli "Identifikatori privrednih sudova" dodaje se nova oznaka:

Okružni privredni sud Prijedor	67
--------------------------------	----

U tabeli "Identifikatori kantonalnih/okružnih sudova" dodaje se nova oznaka:

**Član 2.**

U članu 77. (Faze predmeta), u okviru stava (17) – Prekršajni predmeti, dodaju se nove oznake:

Ipsž - Postupak po žalbi na izvršenje prekršajne sankcije,

Ipsmž - Postupak po žalbi na izvršenje prekršajne sankcije za maloljetnike,

U istom stavu briše se oznaka: Pkzk - Zamjena novčane kazne u kaznu zatvora.

**Član 3.**

U članu 80. (Pristup podacima od strane Ureda disciplinskog tužioca) stav (1) mijenja se i glasi:

"(1) Ured disciplinskog tužioca (u daljem tekstu: UDT) ima pravo uvida i štampanja, odnosno elektronskog snimanja (u daljem tekstu: uvida) predmeta i izvještaja, evidentiranih u CMS-u."

**Član 4.**

U članu 84. (Evidencija uvida u podatke) dodaje se novi stav (2) koji glasi:

(2) U slučaju štampanja ili elektronskog snimanja dokumenata, ovlašteni zaposlenik IKT odjela je dužan sačiniti spisak svih dokumenata koji su dostavljeni disciplinskom tužiocu i isti pohraniti u elektronsku evidenciju o izvršenim uvidima.

**Član 5.**

Iza člana 84. (Evidencija uvida u podatke) dodaje se novi član 84a. koji glasi:

**Član 84a.**

## **(Dostavljanje dokumenata)**

(1) U slučaju kada se dokumenti iz CMS-a štampaju, dostavljaju se disciplinskom tužiocu uz popis dostavljenih dokumenata. Nakon potpisivanja popisa od strane disciplinskog tužioca, ovlašteni službenik IKT odjela vrši skeniranje i elektronsku pohranu popisa u evidenciju iz člana 84.

(2) U slučaju elektronskog snimanja i dostavljanja dokumenata, ovlašteni službenik vrši dostavljanje dokumenata putem elektronske pošte na adresu disciplinskog tužioca kojem je odobren uvid u predmet, uz korištenje sistema enkripcije.

(3) Nakon zaprimanja potvrde o prijemu poruka elektronske pošte se pohranjuje na lokaciju za elektronsko arhiviranje predmeta i trajno se briše iz elektronske pošte i sa prostora na kojem su bili snimljeni dokumenti. Čuvanje arhive dostavljenih poruka elektronske pošte uređuje se u skladu sa propisima kojima se uređuje arhiviranje predmeta u VSTV-u uz korištenje najvišeg stepena povjerljivosti.

## **Član 6.**

Izmjene i dopune pravilnika stupaju na snagu osmog dana od dana objavljivanja u "Službenom glasniku BiH".

Broj 09-02-2-1769/2017

15. maja 2017. godine

Sarajevo

Predsjednik  
Milan Tegeltija